

Bosna i Hercegovina
Federacija Bosne i Hercegovine
Tuzlanski kanton
Općina Banovići
OPĆINSKI NAČELNIK

Broj: 01-04- 124 /26
Datum; 19.01.2026.godine

Na osnovu člana 48. stav (5) Zakona o državnoj službi u Tuzlanskom kantonu- prečišćeni tekst („Službene novine Tuzlanskog kantona“, broj: 11/24), člana 34. Zakona o radu Federacije BiH („Službene novine Federacije BiH“, broj: 26/16 i 89/18), člana 15. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09) i člana 43. Statuta općine Banovići („Službeni glasnik općine Banovići“, broj 2/20), Općinski načelnik donosi

ODLUKU

o obavljanju stručnog osposobljavanja bez zasnivanja radnog odnosa

Član 1.

Ovom odlukom reguliše se postupak prijema lica na stručno osposobljavanje bez zasnivanja radnog odnosa u općinski organ državne službe općine Banovići, javna preduzeća i javne ustanove čiji je osnivač općina Banovići, obrazovne ustanove kao i druge zainteresovane pravne subjekte u 2026. godini.

Član 2.

Finansiranje lica sa visokom i srednjom stručnom spremom radi stručnog osposobljavanja bez zasnivanja radnog odnosa angažovanih u općinskom organu državne službe općine Banovići, u javnim preduzećima, javnim ustanovama čiji je osnivač općina Banovići, obrazovnim ustanovama i drugim zainteresovanim pravnim subjektima vršit će se u skladu sa raspoloživim sredstvima u Budžetu općine Banovići.

Član 3.

Na stručno osposobljavanje bez zasnivanja radnog odnosa može se primiti lice sa područja općine Banovići sa završenom visokom stručnom spremom ili završenom srednjom stručnom spremom, a koje ranije nije zasnovalo radni odnos u zanimanju za koje se školovalo, ukoliko su za obavljanje poslova u određenom zanimanju zakonom utvrđeni kao uslovi položen stručni ispit ili radno iskustvo.

Član 4.

Vrijeme stručnog osposobljavanja bez zasnivanja radnog odnosa računa se u pripravnički staž i radno iskustvo i traje najduže 12 mjeseci za lica sa završenom visokom stručnom spremom, a 6 mjeseci za lica sa završenom srednjom stručnom spremom.

Član 5.

Ukoliko se utvrdi da je primljeno lice imalo, odnosno steklo radno iskustvo u struci kod drugih subjekata, a kraće od vremenskog perioda koliko iznosi obavezan pripravnički staž, bit će zaključen ugovor na period koji nedostaje.

Primljeni kandidat je dužan prije zaključivanja ugovora dostaviti dokaz o dužini trajanja predhodno stečenog radnog iskustva nakon sticanja stručne spreme.

Član 6.

Za lice sa visokom stručnom spremom i lice sa srednjom stručnom spremom koje je angažovano na stručnom osposobljavanju bez zasnivanja radnog odnosa utvrđuje se mjesečna naknada u neto iznosu na ruke **300,00 KM (tristotine konvertibilnih maraka)** i pravo po osnovu osiguranja za slučaj povrede na radu i profesionalnog oboljenja koje osigurava općina Banovići u skladu sa propisima o penzijskom i invalidskom osiguranju.

Član 7.

Prijem lica na stručno osposobljavanje bez zasnivanja radnog odnosa se vrši putem Javnog poziva koji objavljuje Općinski načelnik.

Javni poziv objavljuje se na Oglasnoj ploči općine Banovići i na službenoj web stranici općine Banovići i bit će otvoren do utroška sredstava planiranih Budžetom općine Banovići.

Član 8.

Uz popunjeni Prijavni obrazac kandidati su dužni dostaviti sljedeću dokumentaciju (original ili ovjerenu fotokopiju):

1. Dokaz o stručnoj spremi (diploma / svjedočanstvo)
2. Uvjerenje o prebivalištu (Obrazac PBA 4, ne starije od tri mjeseca),
3. Uvjerenje JU Službe za zapošljavanje Tuzlanskog kantona-Biro Banovići da se lice nalazi na evidenciji nezaposlenih osoba (ne starije od tri mjeseca).

Član 9.

Proceduru angažovanja lica za obavljanje stručnog osposobljavanja bez zasnivanja radnog odnosa po raspisanom Javnom pozivu, vršit će Služba nadležna za opću upravu.


Član 10.

Općina Banovići će zaključiti Ugovor o finansiranju obavljanja stručnog osposobljavanja bez zasnivanja radnog odnosa sa svakim pravnim subjektom koji bude angažovao lica po raspisanom Javnom pozivu kojim će se regulisati međusobna prava i obaveze i Ugovor o obavljanju stručnog osposobljavanja bez zasnivanja radnog odnosa sa licem koje bude angažovano u općinskom organu državne službe općine Banovići.

Član 11.

Ova odluka stupa na snagu danom donošenja i bit će objavljena u „Službenom glasniku općine Banovići“.

OPĆINSKI NAČELNIK


dr.sc. Mehmed Hasanović, dipl.inž.maš.